



Kamis, 27 Januari 2022

Ogen: Kejadin 1:14-19



Barang-Barang Si Terang



Tahun baru 2022, melala kel postingen foto keluarga singelakoken dalan-dalan ku tepi dano, lawit bage pe ku deleng-deleng ngidah pemandangan alam si mejile. Meriah kel ukurna natapsa tinepa si mejile e. E maka la erpuas-puas erfoto entah selfi. Senyum dengen siang ayota.

Ise ndia si erbahanca jilena tinepa e kerina? Dibata si ngukuri ras nepa doni enda. Kerina si enggo i tepana e tuhu-tuhu mehuli dengen ertorosen. Adi si perdiateken kenca Dibata pesirang lau ras taneh kerah e maka i bas taneh kerah e nari turah me sinuan-sinuan, kenca si e i tatap Dibata janah nina ka litlah i langit barang sierbahanca terang guna nirangken suari ras berngi. Barang-barang penerang e me matawari, bulan, bintang. Ia me siersinalsal i langit dengen mereken terang man doni enda. E maka tupung berngi pe la kita gelapen kel sabap lit bulan ras bintang si nerangisa, tupung suari lit matawari simereken las si mehuli guna manusia bage pe sinuan-sinuan. Oh andiko jilena tinepa Dibata e. Iberekenna terang e guna nampati manusia jadi tanda-tanda permulaan wari, tahun ras musim, janah tuhu-tuhu kerina si e ngerehken kiniulin man doni enda. Benda-benda penerang enda kerina i tepa Dibata i bas wari pe empatken.

Piga-piga wari si lewat udan si lalap e maka las matawari la tergejap, kai si jadi? Melala uis la kerah dengen la banci kita eraktivitas alu semalna. Tole adi sibayangken tengah berngi la si idah bintang-bintang i langit, kai ka si jadi? Kinijilen langit e lanai teridah. Ngatakenca maka la jumpa ras terang e minter me kita kelsehen. Bageminlah kita pe bas kegeluhenta. Dibata e terang, e maka la jumpa ras terang e minter nge lanai erlayas ukurta, la jore tangkelenta piahna geluh enda pe jadi murde. E maka mari deheri tetap terang e. Ngataken bujur i bas terang si enggo ibreken Dibata e, ambah si e jadilah terang nandangi doni enda. Terangi biak kegeluhen si gelap sierbahanca doni enda reh ulina alu njaga dengen merawat tinepa sienggo ibereken Dibata banta.



[The main body of the page is a large, blank white area with a wavy top edge, intended for writing.]